

آبونه شرایطی

مالك عثمانیه ده سنه لیکي (۶۵)، الق
ایلغو (۳۵) غروشدور .

مالك احضیه ده سنه لیکي (۱۷)، الق
آیانی (۹) قرانقدر .

اداره خانه

باب عالی جاده سنده دائره مخصوصه

اخطارات

آبونه بدلی بشندر .

§

مسلكه موافق آثار مع الممنونیه قبول
اولنور . درج ایله بن یازیلر اعاده
اولونغاز .

الشیخ الاسلام

سر ۱۳۳۰

دینی ، فلسفی ، علمی ، ادبی ، سیاسی هفته لقی مجموعه اسلامیه در .

اخطارات

رساله خردن آلمدیکی کو - ترمك شرطيله
بتون یازیلر هر هانسی بر فرقه طرفندن
اقتباس اولونه یازیلر .

§

مکتوبلرک ، امضالرک واضح و اوقو ناقلی
اولمسی و آبونه صره نوموسن محترمی
بولونمسی لازمدور .

§

ممالك اجنبیه ایچون آبونه اولانلرک
آدرس لریک هر انسرجه ده یازلمسی دجا
اولنور .

§

پاره کوندر لیدیکی ، ان نه یه د ژاولدیغک
واضعا ییلدیلمسی دجا اولنور .

اتبعون اهدکم سبیل الرشاد

صاحب و مدیر مسئول : اشرف ارباب

والله یهدی من یشاء الی صراط مستقیم

جلد ۱۱

۲۸ تشرین ثانی ۱۳۲۹

پنجشنبه

۱۱ محرم ۱۳۳۲

عدد ۲۷۴

مَقَالَتُ

صوك ضربه قارشيسنده مليت قارغالری

- ۱ -

بر ملت ایچین اک بویوک مصیبت ، اک غیر قابل تعمیر فلاکت
اعداسنک - کمال فعالیت و سرعتله حاضر لامقده اولدینی - صوك ضربه سی
قارشيسنده بیله افرادینک - انائیتلری ، معاندلری ، ره نارفته لری
براقوب - بیرلشه مه مسی ، سکون و اعتدال ایله متحدا چالیشه رق صوك
موجودیت ملیه سنی ، بقیه وطندن انده قالان بیر آووج طور اغانی اولسون
مدافعه و محافظه ایده مه مسی ، بالعکس دشمنک آمال استیلاجویانه سنی
کندی ئوز اللریله تسهیل و اکمال ایدرک کوز کوره محو اولوب کیتمسیدور .
حیات شخصییه سی اوزرینه تیتزمین ، ممکن اولسه قوانین طبیعیه نک
- کندی وارلغنه ، کندی سعادتنه منافی کوردیکی - احکامنی تغییر و تبدیله
بر آن بیله تردد ایتیه جک اولان انسانک حیات جمعیت و ملیتی تابورته
استخفاف و استحقار ایتسی اک بسیط ، اک بدیی حقایق عقلیه و قضایای
منطقیه بی ادراک ایده مه جک قادار فقدان رشدینه دلیل دکلیدر ؟
ایشته سقوط ادراک و ادعایک تابودر که سنی وجدان محال کورمک
ایستیورده صوکر ا بوفجیع لوحه حقیقت . قارشيسنه دیکیلنجه موازنه سی
غیب ایده جک در حده مدیدیر سکتة وله وحیره دوشیور ، حدت
و حجابندن یرلره کچور .

اظالم انسان ! یک اعلا بیلیرسک ، که او قادار سهو دیکک وارلمکی ،
اودرجه مقتون اولدیغک حیاتکی شو جمعیتک سینة حمایه سنه مدیونسک ؛
دشمن کایر ، بوجعیتی محو ایدر سه سنی صاغمی بر اقایر ! سن ، حیات جمعیتی
استخفاف ایله کندی ئوز جاننه سوء قصد ایتیش اولیورسک ده خبرک یوق !

سبحان الله ! تاریخ بشرده امثالنه یک آز تصادف اولونور مدهش
بر ضربه قهار فلاکت تپه مزه ایندی ، اوچ ملیونلق قوجه بیر عضویمزی
وجود جمعیت و ملیتمزدن قوپاروب اعدامزه ویردی . منای اسلامیتک
مهم بر رکنی ییقیدی ده بزم جگر لریمز صیرلامق ، قانمز قاینامق ،
روحمز تیتزمک شویله دورسون بر قیلیمز بیله اوینامادی !

وجود ملیتمز بویلو بویونجه زمین هلاکه اوزانمش بر نعش بی
روح ! حیوانات مفترسه اوزرینه اوشوشمش هر عضوینی آیری آیری
چکوب قوپاریورلر ! اگر اونده ذره قادار حیات اولسه بیر حرکت
مذبوحانه اولسون کوسترمزمی ؟

اماتکم من قبل موتکم الجهل - وجرکم من خفة بکم النمل

ولوکتم بمن یدبر امره - لما صرتم نسل الذی ماله نسل

هانکی ملت بویله مدهش بر فلاکتک یوزده ، حتی بیکده برینه
دوچار اولورده فریادی جهانی دولدورماز ؟ ییز بو قادار ذلیلانه ، بو
رتبه لاقیدانه قبول ایتدیکمز بو هائل سلئه مغلوبیتی ، هر ولایتی بلچیکا
وسعتنده ، بیر فلمنک جسامتنده اولان او بدبخت روم ایلیدن اون بش
کون ظرفنده کی مطرودیتیزی ، اوچ میاون دینداشمزی اهل صلیک
اک وحشی پیهرلر میتلرینه ، اک خون خوار شوالیه لرینک قلیج لرینه ترک
ایدیشمزی تاریخمزه نه یوزله ، نه وجدانه یازا بیله جکمز ؟ فصل روح لریمز
اعتدالی غیب ایتیه جک ؟ فصل الاریمز تیتزمیه جک ؟ فصل قلبمز
طاشمیه جق ؟ ن کوزلریمز جوشمیه جق ؟

ای تاریخ اد نیت ! یاسن یوز بیکلرجه شهدانک نه لر کی دوکولن
قانلریله بو خردس هائله فلاکتی فصل صحیفه لریکه قبول ایده جکسک ؟
او جامعلره دولدور و لاراق بومبارله بر هوا ایدیلن ، او قصاب
واری آغاچلره که ریلرک پارچالانان مسلمانلرک ، اوسونکو او چلرنده

قیورانہ قیورانہ، چیرپینہ چیرپینہ جان ویرن معصوملرک اینن و فریادلرینہ
نصل معکس اولاجقسک ؟
اوسلمان زوجهلرینک، کلینلرینک، کلینلک قیزلرینک الک فاحش،
اک فاضح، الک وحشی برطرز ملعتله یغما ایدیلن ناموس وعصمتلرینی،
فیحشانلرده اسلاو، هان نسللرینہ خدمته، آنالغه محکومیتلرینی نصل
تصویر ایدہ بیلہ جکسک ؟
یا هو ! بر خانہ دن جنازه چیقار، عائله سی افرادی حزنلره،
الملره، ماتملره کیررلر؛ جنازه بی غسل ایدمک درجه ده کوزیاشلری
دوکرلر، هیچقریقار، خفقانلر ایچنده بوغولمق راده سنه کایرلر،
بیت الحزنلرندہ اینندن، فریاددن باشقا بیر شی ایشیدنلر؛ ساعتلرجه
بوغازلرندن بر لقمه اکمک، بر یودوم صو کچمز.
یا بر ملتک بیر عائله دن، بر وطنک بیر خانہ دن فرقی ندر ؟
سویلیکز ندر ؟

محیط وطنک هانکی کوشه سی، هانکی شهری، هانکی قصبه سی،
هانکی قریه سی وارد رکه: اولادینک شهادتیه، زوجنک غیوبتیه،
پدرینک ضیاعیه روم ایلی فلاکتیه اشتراک، ایتمین سیاهلره بورومنه
بدبخت بیر آنا، دول بیر زوجہ، دوواغی یوزندہ بیر اقیلمش
طالعیز بیر کلین، بشیکده ویا ایشیکده یتیم قالمش بیر اولاد، بیر نور
دیدہ، بیر جگر پاره بولونماسین ؟

هنوز نو بهار شبانی ادراک ایتش اک کورپه عضولرندن یوز بیکلرجه سی
کسیلوب دوغرامش اولان وجود ملت نهدن فریاد ایتیمور ؟ ایچین
سی ایشیدیلیمور ؟ هانی جامعلرده دینی اجتماعلر ؟ نرده ملی ماتملر ؟
نرده اعدادن انتقام ! انتقام ! آوازلری ؟ نرده او اجتماعی، ملی،
فعلی، حمیت پرورانه تشبیلر ؟ نرده ؟ نرده ؟ بیز، دکل بو علوی
خسلردن، حتی بقیه موجودیتیزی اولسون قورتارمق دو یغولرندن بیلہ
محرومن. بو دو یغولرک قابلیمرزه کلسنی بیلہ ایسته میوریز ! بقیه وطن

بر محشر اراغل و ایتام کسیدی. روم ایلیدن بیرر فلاکت قافله سی
تسکیل ایدرک بولغارلرک، صربلرک، هللرک مظالم وحشیانه لرندن،
تعدیات دین و ناموس شکنانه لرندن قاجوب کلنلر جامعلره، دولانلر
سوقاقلرده، ویرانه لکلرده قالانلره نسبت کندیلرینی بختیار عد ایتدیلر !
هله او باشلری آچیق، یالین آباق، نیم عریان یاورو جقلرک جاده لر
اوزرندہ، سوقاقلر باشنده تیریل تیریل تیتره یه رک صاپ صاری برسیای
موت آلود ایله کلنه کچنه بر لقمه ایچین یویون بوکوشلری، آووج
آچیشلری اک طاش یورکلیلری بیلہ آغلاناجق، صاعقه قهر ایله
اولدینی یرده جانسز پراقه جق مناظر فلاکتلردن دکل ؟

روم ایلینک ناز و نعم ایچنده یاشایان دونکی قارونلرینی بوکون
باشنده یاغلی بیر فس، صیرتینده بیر تیق، یاقه سز بیر پالتو، آلتنده
آیلرجه ییقامامش سیم سیاه بیر کوملک، ایاقلرندہ بارماقلرینی کویسترن
بیر تیق بیر قوندورا ایله کورمک عقلی اولانلر ایچین نه بویوک بر لوحه
عبرتدر !

ایشته بو فلاکتلر صرف بیزم تفرقه لریمک، هنوز مادار انقلابک
بیر طفل شیر خواری اولدیغیزی اونوتاراق صانکه عصر دیدہ بیر
حیات حریت و مشروطیت ایچنده تکمل ایتمش کبی کور کورینه اوروپایه
تقلیداً فرقه لر تشکیکنه، ملت ایچنده ملتیر، قومیتلر، عنصریتلر
ایجادینه قالدشما مکز جزای مایلقیدر. بو فلاکتلری بیز کندی
شیاریقاعمزله، کندی آزیغیاعمزله جلب ایتدک! کندی چاناق طوتدق !
افسوس... که حالا عقلانمدق! او مدهش اوچورومدن یووار.
لانیان روم ایلیدن عبرت آلدق، متنبه اولدق!

سینک طبیعتنده می یز نه یز، متصل دشمنک کردیکی آغک اطرافنده
اوچوشیوریز ! کندی آیاغمزله او طوزاغه طوتولمغه چالیشیوریز !

محمد فخرالدین

ادبیات

صحائف تنقید: محمد عاکف

صفحات — برنجی کتاب

تیزه کز کلدی، بواقشام دکلر بز یالکیز.

صوبا برالده، قیریق جاملی فنر برالده؛
بوشانان یاغمور ایلککرده، چامور تابلده !
ایکی اوچ یوزسنه اول دوشه نن قالدیریمک
جایجا یادنهایی اولوب، باستونمک
نادرا یوقلایه رق بولدینی احجار رمیم
اوزرندن سه کهرک خیلی زمانلر کیندم.
دها سیر کشیوریمزی اوطاشلر کیدرک ؟
دوشدی آرتق بزه کوللرده سباح ایتک !
یا قاموزلر یاپه رق هرایکی یاندن فنم،

سبغی بابا

کچن اقشام اوه کلدم. دیدیلر: سبغی بابا
خسته لیمش، یاتیورمش.

— نه سی وارمش عجبا ؟

— بیلیم یز، اوغلی خبر ویردی کچرکن بوصباح.
— کاشکی بن اوده اوله یدم.. اسف ایتدم، وامواه!
بر فنر یوقی، ویرک.. نرده صوبام ؟ قیز چابوق اول..
کچیکرسمه قالدیم بکلهمیک.. زیرا یول
هم اوزون، همده باتا قدر..
— دها اعلا قالیکز:

زورق آسا یوزو بوردق، او یوزر، بن یوزرم !
چوقی یوزدک بیلیم طوبراغی بولوق نه یسه،
فنم باشلادی اطرافنی تک توك حسه.
واقعا بنده یورولدم، او فقط پاک یورغون..
باقیوردم دها نخورلنی اوستنده اونک:
کاه اولور، کور کبی چارپار صیواسز بر دیواره؛
کاه اولور، مرده شعاعاتی دوشر بر مزاره؛
کاه بر سقنی چوکوک خانه نک آلتنده قوشار؛
کاه بر معبد فرسوده نک اوستندن آشار؛
وقت اولور پک صابه یرلرده، باقارسک، طولاشیر؛
صوکره اک قورقولی اشخاصه چکنمز صاتاشیر !